

ՈՒՍՈՒՄՆԱՐԱՆԱԿԱՆ—ՎԱՐՁԱԿԱՆ ՅԱՆՉՆԱԺՈՂՈՎԻ ԱՐՁԱ-
ՆԱԳԻՐՈՒԹԻՒՆՆԵՐ.

ԸՐԴ ՆԻՍՏ 1892-ԹՈՒԻ ՍԵՊՏԵՄԲԵՐԻ 27-ԻՆ:

Սոյն նիստում լսուեց՝ Ա. Օրիորդ Զարուհի Նազարեանի խընդիրը, որով յետ է ուղում իւր ուսման վկայականը և խնդրում է յայտնել իրան թէ՛ մուծուած է իւր անունը ուսուցչաց ընդհանուր ցուցակում թէ ոչ:

Բ. Մելքոն Ասլիբէգեանի խնդիրը, որով յետ է ուղում իւր ուսման վկայականը և խնդրում է բացադրութիւն իւր անունը ուսուցչաց ընդհանուր ցուցակում չմտցնուելու համար:

Գ. Արձախի թեմի եկ. — ծխ. զպրօցների թեմական տեսչի յայտարարութիւնները, առաջինը սոյն տարուայ Սեպտեմբերի 10-ին 141 համարով, և երկրորդը նոյն թուին և ամսաթուին, որոնցով ուղարկելով Ստեփան Ստեփանեանի, Յովսէփ Զանուժեանցի, Գրիգոր Գուրջեանցի, Մելիք Սըլզըրեանցի և Բալարէգ (Աւագ) Տէր-Ղուկասեանի ուսման և ուսուցչութեան իրաւանց վկայականները խնդրում է մտցնել նոցա անունները ուսուցչաց ընդհանուր ցուցակում:

Դ. Սրբազան Սինօդի առաջադրութիւնը թ. 2805 21 Սեպտեմբերի, որով ուղարկում է Մարտիրոս Տէր-Խարայէլեանի խընդրագիրը ուսման վկայագրի հետ ի տնօրէնութիւն:

Ե. Վրաստանի և Իմերէթի թեմի եկ. — ծխ. զպրօցների թեմական տեսչի երեք յայտարարութիւնները, առաջինը սոյն տա-

րուայ Սեպտեմբերի 19-ին թ. 67. որով յայտնում է թէ ինքը շատ անգամ «խնդրել և թախանձել է թեմի Գերապատիւ Առաջնորդ Հանգուցեալ Մամբրէ եպիսկոպոսին, որպէս զի «թեմի գրպրոցների ուսուցիչներն և ուսուցչուհիները չկարողանան ինքնագլուխ և իրանց ուզած ժամանակ թողնել իրանց պաշտօններն և փոխադրուել կամ այլ թեմ և կամ նոյն իսկ թեմի միւս դպրոցները, իրանց աջակից և պաշտպան ունենալով Հոգաբարձութիւնքը: Իմ խնդիրը ընդունելով և յարգելով Հանգուցեալ Մամբրէ եպիսկոպոսը դիմեց ուր հարկն է և հրահանգ խնդրեց: Բայց մինչև օրս որևէ կարգադրութիւն չեղաւ: Եւ ես ամսոյս 16-ին վերադառնալով Բագուից Թիֆլիզ, ցաւօք սրաի, տեսայ, որ վերոյիշեալ անկարգութիւնը կրկնուում է և փոփոխութեանց մոլի հոգաբարձուք և ուսուցիչք և ուսուցչուհիք ամենայն ճիգ թափում են իրանց անձնական կրքերին, հաշիւներին և յարմարութիւններին զոհ բերել դպրոցական ընդհանուր շահերն, որոնք ըստ ամենայնի վնասուում են յիշեալ անկարգութեան սրտածառաւ»:

«Բազմադիմի յորդորներ կարգալով և ընդգիմադրութիւններ անելով հանդերձ՝ ես, այնուամենայնիւ ստիպուած եղայ այս անգամ ևս ինքնակամ հրաժարուած ուսուցիչներին փոխարինել նոր անձնաւորութիւններով, որոնց ուսման վկայագրերն ընդ այսմ ներկայացնելով պատկառելի Յանձնաժողովիդ՝ խոնարհաբար խնդրում եմ դուրս բարեհաճ կարգադրութիւնը՝ նրանց անունը ուսուցչական ընդհանուր ցուցակի մէջ մուծանելու նկատմամբ»:

Գործա են՝ — 1. Ստեփաննոս Կարապետեան, 2. Ղուկաս Տէր Դաւթեան, 3. Սարգիս Ճզմաճեան, 4. Մկրտիչ Ղւինեան, 5. Արմենակ Ռափայէլեան, 6. Նուէն Աքոյեան, 7. Մարգար Սահաթեան, 8. Յակովբ Շահնազարեան, 9. Մկրտիչ Փեշումալճեան, 10 Մկրտիչ Խաչատրեան:

«Ի վերջոյ պատիւ ունիմ յայտարարել պատկառելի Յանձնաժողովիդ, որ ի նկատի առնելով ժամանակի սղութիւնը, սոյն տասն անձանց ես իմ կողմից արդէն թոյլատրել եմ մտնել իրանց պաշտօնի մէջ»:

Երկրորդը՝ նոյն ամսի 19-ին թ. 69, որով ներկայացնում է Սոփիա Գեմենտեայի վկայագիրն և խնդրում է մոցնել նորա անունը ուսուցչաց ընդհանուր ցուցակում: աւելացնելով՝ «ի տեղեկութիւն պատկառելի Յանձնաժողովոյդ պատիւ ունիմ յայտնել և այս, որ Սոփիա Գեմենտեան (նախկին Իշխանուհի Աբա-Մելիքեան) քաղաքիս Ս. Գայանեան ուսումնարանի կար ու ձեռնախփին վարժուհին է և ահա երկրորդ տարին է, որ աւանդում է նոյն առարկան, ամենայն յաջողութեամբ, Թանգոյեան երկդասեան օրիորդաց դպրոցում»:

Եւ երրորդը՝ նոյն ամսի 20-ին թ. 71, որով ներկայացնում է օրիորդ Շուշանիկ Քեանդարեանի ուսման վկայագիրն և խնդրում է մոծանել նորա անունը ուսուցչաց ընդհանուր ցուցակում: Հայր Տեսլի սոյն յայտարարութիւնից երեւում է, որ յիշեալ օրիորդը անցեալ ուսումնական տարում ուսուցչուհի է եղել Դիլիջան գիւղի օրիորդաց դպրոցում և ներկայ ուսումնական տարումն ևս միւսնոյն դպրոցումն է:

Զ. Երրորդ կարգի ուսուցիչ Կոստանդին Գիւլնազարեանի խընդիրը Գերապատիւ Նախագահի անունով, որով բողոքում է թէ՝ «Տեղիս ուսուցիչներից ոչ միայն ես, այլ շատ շատերը անելանելի դրութեան մէջն են Վրաստանի և Իմերէթի թեմի Տեսուչ Գեղամեանի շնորհիւ, որ առանց որեւէ պատճառաբանութեան տեղ է տալիս մեզ՝ այնպիսի ուսուցիչներին, որոնք արդէն ընդհանուր ուսուցչաց ցուցակն ենք մոծած և վայելում ենք ուսուցչական իրաւունք»:

Յանձնաժողովիս մէջ ստացուած են նոր գասագրքեր ընդհանուր ցուցակում մոցնելու համար. դրքա են՝ 1. Новая книжка для обученія Русскому языку въ Армянскихъ начальныхъ школахъ годъ I. и II.

Ս. Ամիրանեանի և Գ. Տէր-Գաբրիէլեանցի:

2. Նախաշաւիղ Կրօնագիտութեան մասն առաջին. Նախագիտելիք Քրիստոնէական հաւատոյ և Հին և Նոր Կտակարանի համառօտ պատմութիւն Յովսէփ ա. ք. Օրբելիի, առաջարկուած օրիորդ Կատարինէ Օրբելիից:

3. Թուաբանական խնդիրներ և օրինակներ Տարրական դաս-
ընթացք Մասն երկրորդ Գրիգորիս Երզնկեանցի Գ. տարի ու-
ղարկուած Տիիսիսի Կեղրօնական գրաւաճառանոցից:

4. Համառօտ Քրիստոնէական վարդապետութիւն ըստ դաւա-
նութեան Հայոց առաքելական ուղղափառ Սուրբ Եկեղեցւոյ. Սար-
գիս քահ. Բէգնաղարեանցի, Ս. Սինօգից ուղարկուած 1892 թուի
Յուլիսի 14-ի թ. 2038 առաջագրութեամբ՝ «Պատուիրէ Յանձնա-
ժողովոյդ ըստ տուեալ ինքեան իրաւանց քննել զայն իբրեւ դա-
սագիրք ի դէպս ընդունելի լինելոյ ի շարս դասագրոց կամ ոչ,
յայտնել սմին զհետեանս:

5. Կրօնի երեք դասատետր Ա. Բ. և Գ. տարի Սահակ քահ.
Սահակեանի:

Յանձնաժողովում դասագրքերի թոյլտուութեան խնդիրը քնն-
նելիս կարգացուեցան Ա. վեհափառ Կաթողիկոսի Կոնդակը, ու-
րով հաստատում է Յանձնաժողով և որոշում է նորա պարտաւա-
նութիւնները, որոնց թւում է նկատում դասագրքեր ընդու-
նելու և գործադրութեան ուղղակի հրաման տալու իրաւունքը:
Բացի սորանից, երբ որ Աստարխանի թեմի Առաջնորդը յայտարա-
րութեամբ 1889 թ. ներկայացրել է դասագիրք ռուսերէն լեզուի
և խնդրել է իրաւունք գործադրելու թեմի եկ. ծխ. դպրոցներում:
Նորին վեհափառութիւնը մակագրել է «Պատուիրեմք Ուսումն.
վարչական Յանձնաժողովոյ ի քննին առնուլ զ'իսմին նշանակեալ
դասագրեանս և յայտնել մեզ եթէ յարմարաւորք են այսոքիկ
ի գործադրութիւն յեկեղեցական - ծխական ուսումնարանս մեր »:
(ի 12 յունուարի 1870 ամի № 18):

ՅԱՆԶՆԱԺՈՂՈՎԸ ՎՃՈՅՑ.

Ա. Յետ ուղարկել օր. Նաղարեանի վկայականը, յայտնելով որ
իւր հարցման մասին կարող է դիմել թեմական տեսչին:

Բ. Յետ ուղարկել Ապիբէգեանի վկայականը:

Գ. Ընդունել ուսուցչաց ընդհանուր ցուցակում վերոյիշեալնե-
րից 17 հոգու *):

*) Տես ընդունուածնիրի ցուցակը:

Դ. Գիւնաղարեանի խնդիրը յանձնել քննութեան:

Ե. Բարեկրօն եղիշէ քահանայի վերոյիշեալ յայտարարութիւններից տեսնուում են ա. թէ նա թոյլ է տալիս իրան կարգել ուսուցիչներ կամ ուսուցչուհիներ այնպիսիներին, որոնք զեռ ուսուցչական ցուցակը մտած չեն (Սոփիա Դեմենտեա և Շուշանիկ Քեանդարեան) և մի տարուց յետոյ միայն առաջարկել նորանց անունները ցուցակ մուծանելու: Բ. մինչդեռ ճեմարանական և ուրիշ բազմամեայ փորձառու ուսուցիչներից շատերը դիմելով Նորին Բարեկրօնութեան՝ չեն կարողանում ստանալ ուսուցչական տեղեր, մինչդեռ ինչպէս յայտնի է Յանձնաժողովիս հասած գրաւոր բողոքներից, ուսուցիչներ են կարգւում այս տարի Ներսիսեան Հ. դպրանոցից աւարտածները, որոնց մի քանիսի վկայականները պարզ ցոյց են տալիս նորանց պատրաստուած լինելու չափը: Երրորդ մինչդեռ հոգաբարձութեանց և ուսուցիչների ուսուցչուհիների անունով Հ. վերատեսուչը մեղադրանք է կարգում իբրեւ յաճախ փոփոխութիւններ սիրողների, միւս կողմից ակնյայտնի են բազմաթիւ փաստեր, որոնք ապացուցանում են թէ ընդհակառակն այդպիսի յաճախ փոփոխութիւնները կատարուել և կատարւում են Թիֆլիզի թեմում, նոյն իսկ Հ. վերատեսչի կարգադրութեամբ և ցանկութեամբ: Այս բոլորից պարզւում է մէկ անվիճելի ճշմարտութիւն. այն՝ որ վրաստանի և Իմերէթի Եկ. — Յի. ուսումնարանների կեանքի մէջ կատարւում են անկանոն երևոյթներ, որոնց պատճառների քննելը և վաղօրօք առաջն առնելը, ոչ մէկ տեսակէտից յետաձգելի չէ կարելի համարել. դոցա վերաբերեալ բոլոր տեղեկութիւնները, ինչպէս գանգատաւորներինը, նոյնպէս իրան՝ թեմական Տեսչինը՝ ապացուցանւում են անհրաժեշտութիւնը վրաստանի և Իմերէթի ուսումնարանների այժմեան դրութեան քննութիւնը, այդ պատճառով խնդրել Ամենապատիւ Տէր Տեղակալից թոյլադրութիւն ուղարկելու Յանձնաժողովիս անդամ բարեշնորհ Լևոն Աբեղային քննիչ վերոյիշեալ թեմը տեղն ու տեղը քննելու վերոյիշեալ կէտերը և ներկայացնել իւր քրննութեան արդիւնքը Յանձնաժողովիս ի տնօրէնութիւն: Այս մասին

տալ տեղեկութիւն թիֆլիզի թեմի եկ. ծխ. դպրոցների Հ. Վե-
րատեպին և առաջագրել, որ հարկաւոր բոլոր տեղեկութիւննե-
րը կամ բացատրութիւնները շտապի հաղորդելու նորին բա-
րեշնորհութեան:

Ինչպէս երևում է Վեհափառի վերոյիշեալ կոնդակից և մա-
կագրութիւնից ֆանձնաժողովս իրաւունք չունի Հայ եկ. — Ծխ.
դպրոցների համար նոր դասագրքեր աւելացնելու առանց Վե-
հափառ Հայրապետի բարձրագոյն հրամանի, այլ միայն քննել և
քննութեան հետևանքը ներկայացնել. ուստի ֆանձնաժողովս
առժամանակ թողնում է վերոյիշեալ դասագրքերը ընդհանուր
ցուցակում մտցնելը մինչև Վեհափառ Կաթողիկոսի գալուստը:

ՈՒՍՈՒՅԶՈՒԹԵԱՆ ԻՐԱՒՈՒՆՔ ԽՆԴՐՈՂՆԵՐԻՅ ԸՆԴՈՒՆՈՒԱԾ ԵՆ
ՄԻԱՅՆ ՅԵՏԱԳԱՅ ԱՆՁԻՆՔ.

	Կարգ.
1. Նազարէթեան Արամ . . .	Դ.
2. Կարապետեան Յարութիւն . . .	Դ.
3. Ատովմեան Կարապետ . . .	Ե.
4. Զարիֆեան Վահան . . .	Ե.
5. Նահապետեան Թորգոմ . . .	Ե.
6. Տէր Յակովբեան Ստեփաննոս . . .	Ե.
7. Տէր Սահակեան Արսէն . . .	Ե.
8. Խաչակեան Արամ . . .	Ե.
9. Գէորգեան Թադէոս . . .	Ե.
10. Զինանեան Գէորգ . . .	Ե.
11. Յովնանեան Սահակ . . .	Ե.
12. Տէր Բարսեղեան Յովհաննէս . . .	Ե.
13. Խաչատրեան Հայկ (Աղէքսանդր) . . .	Ե.
14. Թումանեան Յովհաննէս . . .	Ե.
15. Տէր Յովհաննիսեան Աւետիս . . .	Դ.
16. Բաբախանեան Վաղարշակ . . .	Ե.
17. Ստեփանեան Զուրաբ . . .	Դ.

18. Ազիզեան Գէորգ . . . Ե.
19. Ղարիբեան Եաղուժ . . . Դ.
20. Բարսեղեանց Զապէլ . . . Ժ.
21. Թադէոսեան Խաչատուր . . . Գ.
22. Միքայէլեան Վահան . . . Գ.
23. Արշակունի Վարոս . . . Գ.
24. Խուզալերդեանց Խաչատուր . . . Գ.
25. Ահարոնեան Ահարոն . . . Գ.
26. Գասպարեան Հայրապետ . . . Գ.
27. Հովոմեանց Սահակ , . . . Գ.
28. Շահբաղեան Նիկողայոս . . . Գ.
29. Աւետիսեան Արշակ . . . Է.
30. Տէր-Մկրտչեան Խաչատուր . . . Է.
31. Տէր-Մատթէոսեան Սաղաթէլ . . . Է.
32. Մահտեսի Յովհաննիսեան Յարութիւն Է.
33. Տէր-Մելքիսեդեկեան Սարիբէգ . . . Է.
34. Աւետիսեան Յովհաննէս . . . Է.
35. Բիշարեան Մելքիսեդեկ . . . Է.
36. Աւետիսեան Սմբատ . . . Է.
37. Թալալօղլեանց Մկրտիչ . . . Է.
38. Շիրակունի Ստեփաննոս . . . Է.
39. Տէր-Աւետիսեան Անտօն . . . Է.
40. Լալայեանց Խաչատուր . . . Է.
41. Զանումեանց Յովսէփ . . . Դ.
42. Գուրջեանց Գրիգոր . . . Ե.
43. Սըլզըրեան Մէլիք . . . Գ.
44. Տէր-Ղուկասեան Բալաբէգ (Աւագ) Գ.
45. Ստեփանեան Ստեփան . . . Գ.
46. Ղալաբէգեան Միքայէլ . . . Գ.
47. Կաբապետեան Ստեփաննոս . . . Գ.
48. Տէր-Դաւթեան Ղուկաս . . . Գ.
49. Ճգմանեան Սարգիս . . . Գ.
50. ՂԼինեան Մկրտիչ . . . Գ.

- | | | | | |
|-----|-------------------------|---|---|-----|
| 51. | Ռափայէլեան Արմենակ | . | . | Գ. |
| 52. | Խաչատրեան Մկրտիչ | . | . | Գ. |
| 53. | Սահաթեանց Մարգար | . | . | Գ. |
| 54. | Շահնազարեանց Յակովբ | . | . | Գ. |
| 55. | Փեշումալճեան Մկրտիչ | . | . | Ե. |
| 56. | Դիմէնտեւա Սոֆիա | . | . | ԺԱ. |
| 57. | Տէրիսրայէլեանց Մարտիրոս | . | . | Գ. |

